

天台藏

隋天台山修禪寺智者大師說

門人章安灌頂記

四念處
小止觀

湛然寺
印行

一切諸法皆不可思議不可說不可說
略何以故諸道斷不可說不可說
大經云生不可說不生不可說
不生不生不可說既不可說亦不可說
可說乃至識不可說眼不可說乃至意不可說色不
可說乃至法不可說眼界不可說乃至法界不可說
當知五陰十二入十八界皆不可說此指俗

四念處卷第一

隋天台山修禪寺智者大師說

門人章安灌頂記

一切諸法皆不可思議不可思想圖度不可言語商略何以故言語道斷故不可議心行處滅故不可思大經云生生不可說生生不可說不生不生不可說既不可說亦不可思大品云色不可說乃至識不可說眼不可說乃至意不可說色不可說乃至法不可說眼界不可說乃至法界不可說當知五陰十二入十八界皆不可說此指俗諦不可

說也。四念處不可說。乃至根力覺道皆不可說。須陀洹不可說。乃至阿羅漢亦不可說。此指眞諦不可說。佛十力不可說。四無畏。十八不共。三十二相。八十種好等皆不可說。此指中道第一義諦不可說也。大論云。實法不顛倒。念想觀已除。言語法皆滅。無量眾罪除。清淨心常一。如是尊妙人。則能見般若。此總指三諦不可思說也。法華云。諸法寂滅相。不可以言宣。又云。是法非思量分別之所能解。當知不可以心思口議。亦不可以無心口思議。不可以有無。不可以非有非無。非方非數。非法非論。寂然無爲。羣經之極說。眾

聖之誠言。深深若此。明明若彼。境智雙冥。能所俱寂。淨名諸菩薩。以言言於無言。文殊以無言言於無言。淨名不以言。不以無言。默然無言。文殊歎曰。眞入不二法門。當知玄妙玄妙。不可思議。復不可思議。但可冥悟。不可以彰辯。問若不可說。不可說。何故言滿龍宮。若不可思。不可思。何故雪山深思。此義答佛常樂寂而哀於蒙。欲訥於言而敏於行。慈悲權巧。指畫虛空。擣方示月。作種種說。或作生生說。或作生不生說。或作不生說。或作不生不生說。或作不生不生說時。又非一種。或作有說。或作無說。或作亦有亦無說。或作

非有非無說。引諸根性。從四方門。入清涼池。聞悅善
生。惡亡理顯。得四利益。餘三句亦如是。欲令此義明
了。更引諸經。大經名諸佛法界。佛卽果人。法界卽果
法。於無果中而作果說。大品云。諸法實相。慧名摩訶
般若。此慧有能度所度。今取能度名般若。於無因中
而作因說。大集云。菩薩觀一切法平等。眾生性同涅
槃性。若觀平等。卽因也。同涅槃卽果也。此約亦因亦
果說也。華嚴云。遊心法界如虛空。則知諸佛之境界。
遊心卽因。佛境界卽果。如前說法華云。是法不可示。
言辭相寂滅。此卽非因非果說也。法門甚眾。廣說令

智退略則義不周。我今處中說。方則四句。略則因果。聞而修行。名之爲因。與法相應。名之爲果。約果更修。故言因。因從因。又得果。故言果。果若初若後。究竟寂滅。故言非因非果。初生生四門。亦作因果四說。乃至不生不生。亦作四門。門門亦作因果之說。一一說中。悅種種眾生。立種種善根。治種種罪垢。從於種種入第一義。故初中後重說無咎。說卽是教。稟教修觀。以修觀故。名修四念處。此義廣可思之。元佛出世。爲一大事因緣。開發眾生諸覺寶藏。譬如日出。先照高山。先喜先利。先治先益。大經云。若欲盛貯。先用完淨。若

欲耕墾。先種肥良。若欲乘御。先駕調壯。若欲教詔。先教孝明。斯皆積習深厚。煩惱障薄。先聞雷震。先沐甘雨。先出籠樊。先獲正觀。皆由往昔數數勤修。今世道成。最初四益。其未度者。更設方便。而塗慰之。隱其無量神德。以貧所樂法。趣波羅柰。便有涅槃音。法僧差別名。則是從頓次漸而調熟之。今從此義。麤爲四說。說卽是教。依教修觀。卽是四種四念處。所爲生生四念處。乃至不生不生四念處。亦名三藏通別圓四念處。若三藏四念處。更爲三大意。五停四念。所言三者。其義有八。謂理教智斷行位因果理三者。聲聞謂理。

在正使外。緣覺謂理在習氣外。菩薩謂理在正習外。三人出三種外。方乃見理。故言理三也。教三者。聲聞稟四諦。緣覺稟十二緣。菩薩稟六度。聲聞修總相智。緣覺修別相智。菩薩修總別智。聲聞斷正。緣覺斷習。菩薩斷正習。聲聞爲自修戒定慧。緣覺爲自修獨善寂。菩薩爲衆生修六度五通。聲聞住學無學。緣覺住無學。菩薩三僧祇登道場。聲聞帶果行。因緣覺望果行。因菩薩伏惑行。因聲聞斷正。如燒木爲炭。緣覺斷習。如燒木爲灰。菩薩正習盡。如燒木無灰炭。具此八三。故言三也。藏者。謂修多羅藏。毗尼藏。阿毗曇藏。修

多羅藏。謂四阿含。增一阿含。說人天因果。長阿含。破邪見。禰阿含。明諸禪法。中阿含。明諸深義。具如彼云。毗尼藏。明持犯輕重。如律藏中說。阿毗曇藏。名無比分別。無比分別云云。大經云。此是契經甚深之義。此是戒律輕重之義。此是阿毗曇分別法句。皆佛自釋三藏名也。今不具論。然佛臨涅槃。阿難心沒憂海。阿菟樓駄語云。汝持佛法人。應問將來事。云何啼哭。阿難卽醒悟。乃問四事。佛皆具荅。今出其二。比丘當依四念處行道。依波羅提木叉住。木叉有二。一舊二客。舊又二。一邪二正。正謂十善。邪謂鷄狗牛馬等云。

云定有二。一舊二客。舊又二。一正二邪。正謂三四十
二。邪謂邪禪鬼定等云云。慧有二。一舊二客。舊又二。
一正二邪。正謂識因識果。邪謂撥無因果。三種舊邪。
墮三惡道。佛棄而不用。三種舊正。昇三善道。佛會而
取之。更說三種客法。客戒者。謂三歸五戒二百五十
等。客定者。謂九想八背等。客慧者。謂四諦智也。佛之
遺囑。以戒爲師。師訓七支。弟子奉行。莫令汙染。仁讓
貞信。和雅眞正。戰戰兢兢。動靜和諧。故言以戒爲師
也。依木叉住者。木叉名係得解脫。若依木叉住者。係
脫世間熱惱。所謂居家逼迫牢獄熱惱。妻子桯檔繫

縛熱惱。財業產貨。怨賊熱惱。王難逼迫。水火熱惱。若依木叉。係脫如此熱惱也。又復住者。未來住安樂之處也。若能住戒者。不耐惡聲。惟欣善法。未來係住四天王住處也。若住戒者。則是供養三寶。供養父母。未來係住三十三天也。若住戒者。能發麤住。係得住於炎摩。天住處也。若住戒者。能發細住。係住兜率陀天。若持戒者。能得欲界定。係住自在天。若住戒者。能發未來禪。係住他化自在天。若持戒者。能發四禪四空。係得住於色無色界。諸天住處也。是名依波羅提木叉住也。依念處行道者。若無念處慧。一切行法。皆非。

佛法非行人皆空。雞頭如放牧者。空著染衣。如木頭旛。雖執鉢錫。如病人乞具。雖讀誦經書。如盲人誦賦。雖復禮拜。如碓上下。雖復坐禪。如樹木葉。雖復興造。媒衒客作。種樹貿易。沈淪生死。蠶蠶自縛。無解脫期。捨身命財。但得名施。非波羅蜜。雖復持戒。不免鷄狗。雖復精進。精進無繡媚。雖復坐禪。如彼株杌。雖復知解。狂顛智慧。常在此岸。不到彼岸。不降愛見。不破取相。不得入道品。非賢聖位。不成四枯樹。非波羅蜜。何以故。無念慧故。以念慧能破邪顯正。大經云。舊醫乳藥。其實是毒。如蟲食木。偶成字耳。是蟲不知是字。

非字。更有新醫從遠方來。曉八種術。謂四枯四榮。以新四枯。破其舊乳。法華亦云。大火從四面起。卽斯例也。執倒略有三種。一一切智六師故。六臣白王。我師是一切智。王若見者。罪垢消滅。此執世性也。大論云。得宿命智。見八萬劫事。過是已不復能知。但見初受胎身中陰之識。而自思惟。此識不應無因緣。憶想分別。有法名世性。非五情所知。極微細故。於世性冥初生覺。覺卽中陰識。從覺生我。從我生五塵。謂色聲香味觸。從聲塵生空大。從聲觸生風大。從色觸生火大。從色聲觸味生水大。從色聲觸味香生地大。從空生

耳根從風生身根從火生眼根從水生舌根從地生鼻根如是漸漸從細至麤還從麤至細譬如泥丸中具有餅盆等性餅盆等破還爲泥都無所失世性是常無所從來此僧佉所執也復有執微塵微塵常不可破至微細故但待罪福因緣因緣和合故有身若天人地獄等以父母故罪福盡則散壞復有執自然爲世界始貧富貴賤非願行所得復有人言天主是世界主始造吉凶滅時還天攝取復有人言世世受苦樂盡自到邊譬如山上投縷丸盡自止受罪福命歸於盡是諸邪外皆於禪定知見不從他聞亦不從

韋陀中間執此明利故云是事實餘妄語卽此意也。復計自在天復計父母等皆是一切智之執也。二者神通六師修得五通停河在耳十二年變釋爲羊。千根在體毗富羅城變爲鹵土等是也。三者韋陀六師解星文地理十八大經知吉凶等是也。雖知世性無神通是小知世性通是次知三種備足是大六師阿毗曇中明三種念處謂性共緣對破此三外道有人釋性念處謂觀無生淺名爲生深細觀無生見細法皆生死苦諦名性念處有人專用慧數緣無生空理發真斷結得慧解脫羅漢對破邪因緣無因緣顛倒

執性。一切智外道也。其念處者。以禪定助道。正助合修。亦名事理共觀。發得無漏。三明六通八解。成俱解脫。羅漢對破根本愛慢得五通外道也。緣念處者。緣佛三藏十二部文言。及一切世閒名字。所緣處廣。非如支佛出無佛世。不稟聲教。但作神通。以悅眾生。不能說法。緣念處人。了達根性。善知四辯。堪集法藏。成無疑大羅漢。對破世閒韋陀星文地理。文字鄙狹。當知邪正眞僞。猶金比鐵。螢曰跡海。故大經云。於諸想中。無常爲最。於諸耕中。秋耕爲最。於諸跡中。象跡爲最。無常譬性。耕譬神通。跡譬文字也。經云。諸優婆塞。